



FRAMHALDSSKÓLINN Á LAUGUM

Ársskýrsla 2023

Prófill

Stærð skóla, fjöldi nemenda og starfsmanna:

Húsnaði skólans er 6.702 m². Árið 2023 voru 119,1 nemandi í fullu námi við skólann og starfsmenn voru 32 í 25,3 stöðugildum

Námsframboð:

Skólinn bauð upp á nám á fjórum brautum til stúdentsprófs: Félagsvísindabraut, íþróttabraut, kjörsviðsbraut og náttúruvísindabraut. Ennfremur var boðið upp á nám á almennri námsbraut.

Framkvæmd markmiða:

Unnið er að að markmiðasetningu í stefnumiðaðri áætlun 2023-2025. Þónokkur markmið hafa náðst og árangur er að nást með önnur markmið. Árangur markmiðs um líðan og kvíða nemenda er þó óljós vegna skorts á gögnum.

Umbótaþættir eftir sjálfsmat:

Þær breytingar sem voru gerðar á mætingu á haustönn 2017 skiluðu mun betri mætingum og einkunnum og hefur raunmæting ekki farið undir 85,8% síðan á haustönn 2019 og meðaleinkunn ekki undir 6,75. Í ljósi góðs árangurs hafa ný raunmætingarmarkmið verið sett. Náms- og starfsráðgjöf og sálfræðingsþjónusta hefur verið aukin talsvert og skilaði því að nemendum á Laugum leið almennt betur en á landsvísu þó svo að líðanin hafi versnað frá árinu 2021. Viðhorf nemenda og hollusta gagnvart skólanum hefur líka verið hærri en gengur og gerist en hafa einnig lækkað frá 2021. Samstarfið við Þingeyjarskóla er orðið allverulegt og er að aukast við aðra grunnskóla á upptökusvæði skólans. Sérstök áhersla hefur verið á að kynna skólann fyrir grunnskólanemendum á landsvísu og hefur það skilað skólanum verulega auknum nemendafjölda. Starfsandinn hefur einnig batnað verulega frá árinu 2019.

Úttektir:

Skólinn hlaut viðhelt jafnlaunavottun sinni og lauk Grænum skrefum tvö og þrjú.

Afkoma, rekstrarstaða:

Rekstur skólans var neikvæður um 4,4 millj. kr.

Brottfall:

Brottfall nemenda við skólann árið 2023 var tæplega 2,4%. Brottfall úr áföngum var 3,4%.

Stjórnun:

Skólameistari, áfangastjóri, fjármálastjóri og verkefnastjóri úr hópi kennara.

Samvinna við aðra:

Verkmenntaskólinn á Akureyri, Menntaskólinn á Akureyri, Framhaldsskólinn á Húsavík, Menntaskólinn á Tröllaskaga, Þingeyjarskóli, Reykjahlíðarskóli, Stórutjarnaskóli, Ungmennafélagið Efling, Hjálparssveit skáta í Reykjadal.

Sérstakar áherslur/sérsvið skólans:

Skólinn rekur framhaldsskóladeild á Vopnafirði. Skólinn sérhæfir sig í persónubundinni þjónustu, einstaklingsmiðuðu námi og sveigjanlegu námsumhverfi með miklu íþrótt-, leiklistar- og tónlistarstarfi. Nemendur eru með samfelldan skóladag frá 09:15-15:30 og er hann stundatöflulaus þannig að kennarar kalla nemendur í fagtíma þegar þurfa þykir en þess á milli vinna þeir síðarnefndu undir leiðsögn kennara.

Nemendur og nám:

Við Framhaldsskólann á Laugum voru fimm námsbrautir, almenn braut, félagsvísindabraut, íþróttabraut, náttúruvísindabraut og kjörsviðsbraut.

118 nemendur hófu nám í byrjun árs 2023 og skiluðu 3.512 einingum (117,1 nemanda í fullu námi). 106 nemendur voru með Framhaldsskólann á Laugum sem heimaskóla og 12 nemendur höfðu annan skóla sem heimaskóla.

- 7 á almennri námsbraut
- 38 á félagsvísindabraut
- 23 á íþróttabraut
- 33 á kjörsviðsbraut
- 15 á náttúruvísindabraut
- 2 á íþrótt- og náttúruvísindabraut.

48 strákar og 70 stúlkur. Brottfall á önninni var 1,9%. Að meðaltali voru 19,1 nemandi í hópi í fagtíma í stundatöflu. Meðaleinkunn allra nemenda yfir alla áfanga var 7,27.

Haustið 2023 byrjuðu 120 nemendur sem skiluðu 3.630 einingum (121,0 nemanda í fullu námi). 107 nemendur voru með Framhaldsskólann á Laugum sem heimaskóla og 13 nemendur höfðu annan skóla sem heimaskóla.

- 13 á almennri námsbraut
- 37 á félagsvísindabraut
- 18 á íþróttabraut
- 37 á kjörsviðsbraut
- 13 á náttúruvísindabraut
- 1 á íþrótt- og félagsvísindabraut
- 1 á íþrótt- og náttúruvísindabraut.

53 strákar og 67 stúlkur. Brottfall á önninni var 2,8%. Að meðaltali voru 20,0 nemendur í hópi í fagtíma í stundatöflu. Meðaleinkunn allra nemenda yfir alla áfanga var 7,37.

Framhaldsskólinn á Laugum starfar eftir samþykktri námsskrá og reynir af fremsta megni að búa nemendur undir frekara nám og daglegt líf og þátttöku í lýðræðisþjóðfélagi í gegnum sveigjanlegt námsumhverfi, persónubundna námsáætlun og fjölbreyttar kennsluaðferðir. Reynt er að meta alla að verðleikum og taka tillit til sérþarfa hvers og eins. Skóladagurinn á Laugum er samfelldur kl. 09:15-15:30 alla virka daga vikunnar nema föstudaga þegar hætt er kl 14:30. Íþróttakennsla fer fram milli 16 og 18 mánudaga til fimmtudaga og er miðað við að hver nemandi mæti í íþróttir í 24 klst á hverri önn.

Laugaskóli er skóli á hreyfingu sem nýtir tíma kennara og nemenda á sem bestan og einstaklingsmiðaðan hátt. Stundatafla skólans er fljótandi, þ.e. hún er aldrei eins frá viku til viku og námið því nemendastýrt. Nemendur mæta á vinnuborð sín kl. 9:15 hvern dag og gera grein fyrir áætlunum sínum í náminu þann daginn. Í lok dags taka kennarar svo stöðuna á því hvernig nemendum hefur gengið. Yfir daginn vinna nemendur að verkefnum sínum við vinnuborð sín eða í smáum hópum ýmist sjálfir eða undir handleiðslu kennara. Auk þess boða kennarar nemendur í úttektir í fagtímum og er mjög misjafnt milli vikna og faga hversu margar úttektir eru í fagi og hversu langar. Einnig er mismunandi hvort allur námshópurinn er boðaður í úttektir eða bara hluti hans. Kennslan í fagtímum er fjölbreytt, allt frá hefðbundnum fyrirlestrum, yfir í umræðutíma, yfir í dæmatíma o.s.frv. Skólinn notar Microsoft Teams eingöngu sem kennsluumhverfi og kennir allar námsgreinar í gegnum það auk þess að nota það til samskipta. Kennsluumhverfið er því að stórum hluta rafrænt og vendikennsla mikið notuð.

Lýðheilsa og umhverfismál eru stoðir skólastarfsins. Eiga þær áherslur að verða greinilegar í öllum kenndum áföngum sem og í öðru starfi skólans. Unnið er með eftirfarandi lykilhugtök í þeirri vinnu; Líkaminn, hreyfing, næring, hvíld, geðheilbrigði, siðvitund, félagsfærni, kynheilbrigði, umhverfi, menning, listir og upplýsingalæsi.

Í skólanum er símat, þ.e. nemendur þreyta próf, gera ritgerðir og leysa verkefni með jöfnum hætti yfir önnina og lokapróf í hefðbundnum skilningi eru ekki þreytt við skólann nema í undantekningatilfellum. Kennsluvikur annararinnar eru því að jafnaði 17 talsins. Þessi tilhögun gerir það að verkum að námið er mjög einstaklingsmiðað og auðvelt fyrir nemendur að taka færri eða fleiri einingar en hefðbundið skipulag gerir ráð fyrir.

Framhaldsskóladeild á Vopnafirði:

Framhaldsskólinn á Laugum hefur starfrækt framhaldsskóladeild á Vopnafirði frá haustinu 2016 í samstarfi við Vopnafjarðarhrepp. Þar hefur starfið gengið vel og heimfólk mjög ánægt. Á vorönn voru fjórir nemendur við deildina og þrír hófu nám á haustönn.

Samstarf við aðra:

Samstarf hefur verið við Verkmenntaskólann á Akureyri um að taka að sér að kenna í fjarnámi þá áfanga sem skólinn getur ekki boðið uppá. Einnig geta nemendur skólans tekið slíka áfanga í gegnum Samland sem er samstarf smærri framhaldsskóla á landsbyggðinni. Með þessu móti getum við aukið námsframboð okkar. Að sama skapi býður Framhaldsskólinn á Laugum nemendum annarra skóla áfanga í gegnum Samland. Vegna þessa samstarfs situr skólameistari Framhaldsskólans á Laugum hálfsmánaðarlega fundi Fjarmentaskólans.

Í lok árs 2015 var undirritaður samstarfsamningur milli framhaldsskólanna á Norðausturlandi og hefur samstarfið á milli þessara skóla verið til fyrirmyndar. Skólameistarararnir sitja fundi vikulega og hafa skipt með sér ýmsum verkum, þ.e. einn skóli leiðir ákveðið verkefni, annar annað verkefni og svo koll af kolli.

Samstarf hefur líka verið við grunnskóla um kennslu í einstaka áfanga fyrir þá nemendur sem lokið hafa markmiðum grunnskólans fyrir 10. bekkinn. Á vorönn 2023 nýttu sjö nemendur frá Þingeyjarskóla sér þann möguleika sem og tveir nemendur Stórutjarnaskóla og einn nemandi Vopnafjarðarskóla. Á haustönn 2023 stunduðu sex nemendur frá Þingeyjarskóla nám við Laugaskóla og það sama gerðu fjórir nemendur Vopnafjarðarskóla og þrír nemendur Stórutjarnaskóla. Einnig sá Framhaldsskólinn á Laugum um valfag á unglingastigi í tvo tíma á viku. Framhaldsskólinn á Laugum lætur bæði Þingeyjarskóla og Reykjalíðarskóla í té kennsluhúsnæði. Aukinheldur stendur skólinn fyrir tónlistarhátíðinni Tónkvísl og grunnskólamóti í íþróttum og býður grunnskólum á norðausturlandi að taka þátt í þessum viðburðum.

Samstarf er milli íþróttabrautarinnar og Ungmennafélagsins Eflingar um þjálfun ungmenna. Þetta nýtist skólanum sem hluti af starfsnámi brautarinnar. Að sama skapi er samstarf milli skólans og leikdeildar Umf. Eflingar um leikistarstarf og taka nemendur þátt í uppfærslum leikdeildarinnar. Einnig er samstarf milli skólans og Hjálparsveitar skáta í Reykjadal og taka nemendur þátt í starfi sveitarinnar og fá fræðslu og námskeið á vegum hennar.

Eins og áður sagði á skólinn í samstarfi við Vopnafjarðarhrepp um rekstur Vopnafjarðardeildar.

Mat á markmiðasetningu í stefnumiðaðri áætlun 2023-2025:

Haustið 2017 tóku gildi nýjar mætingarreglur við Framhaldsskólann á Laugum sem fólust í því að raunmætingin var einungs skoðuð með það að markmiði að hún yrði 85% eða hærri hjá hverjum og einum. Þannig eru engin leyfi gefin og allar fjarvistir telja inn í mætinguna sama af hvaða orsökum þær eru (skröp telja jafnt og veikindi) þrátt fyrir að auðvitað sé tekið tillit til eðli fjarvistanna þegar kemur að því að nemendur þurfa að skrá sig úr áföngum. Raunmæting á haustönn 2017 varð strax 84% en raunmæting hafði aldrei farið yfir 80% í a.m.k. 10 ár þar á undan. Hún dalaði reyndar aftur veturinn 2018-2019 og vorið 2019. Haustið 2019 varð hún hins vegar hærri en nokkru sinni fyrr eða 85,8% og hefur aldrei farið niður fyrir það síðan. Á Árinu 2023 var raunmætingin 87,5% á vorönn og 86,8% á haustönn. Skólinn hefur því sett sér ný mætingarmarkmið um að 92% raunmætingu verði náð árið 2025. Betri mætingu fylgdu hærri einkunnir var meðaleinkunn nemenda 7,1 haustið 2019 eða hálfum hærri í margar annir þar á undan (var til að mynda 6,2 á vorönn 2019) og hefur ekki farið undi 6,75 síðan. Meðaleinkunn allra nemenda á vorönn 2023 var 7,27 og 7,37 á haustönn 2023. Brottfall úr áföngum helst í hendur við betri mætingu og einkunnir og lækkaði frá 13,1% á vorönn 2019 í 6,4% á haustönn 2020. Brottfall úr áföngum á árinu 2023 var 2,9% á vorönn og 3,9% á haustönn.

Skólinn hefur notað *Skólapúlsinn* til þess meta líðan nemenda og finna mælikvarða til að meta það markmið skólans að bæta líðan nemenda. Því miður tóku ekki nægilega margir nemendur skólans þátt í *Skólapúlsinum* vorið 2023 og fékk skólinn því ekki sendar niðurstöður þeirra er svöruðu. Skólinn hefur gripið til sérstakra aðgerða til þess að tryggja að það gerist ekki aftur enda eru þessar upplýsingar afar mikilvægar fyrir skólann og hann notar þær til að fylgjast með hvort hann nálgast eða fjarlægist markmið sín um bætta líðan nemenda. Nemendur hafa daglegan aðgang að náms- og starfsráðgjafa og vikulegan aðgang að hjúkrunafræðingi og lækni. Einnig hafa nemendur aðgang að sálfræðingi á tveggja vikna fresti og greiðir skólinn a.m.k. þrjá fyrstu tímuna fyrir hvern nemanda sem þarf á slíkri þjónustu að halda. Að auki hafa allir nemendur leiðsagnarkennara og hver kennari heldur einungis utanum 10-12 nemendur. Gott aðgengi er að heimavistarstjóra og leita nemendur til hans sem og skólameistara.

Aðeins hefur verið unnið að því markmiði að auka fjölbreytni náms og með það að í huga var sett upp kjörsviðsbraut til stúdentsprófs við skólann og hefur aðsókn að henni verið góð. Að sama skapi hefur samstarf við aðra framhaldsskóla og grunnskóla verið talsvert eins og áður. Tólf nemendur annarra skóla tóku áfanga við Framhaldsskólann á Laugum á vorönn og 13 á haustönn. Samstarf var við Ungmennafélagið Eflingu um uppsetningu á leikritinu Gauragangi sem var frumsýnt í byrjun febrúar 2023 og var sýnt 12 sinnum. Heildarfjöldi nemenda sem tók þátt í leikritinu með einum eða öðrum hætti var 26 og hlutu þau samtals 103 einingar fyrir. Einnig hlutu fimm nemendur eina einingu hver fyrir björgunarnámskeið og björgunarstarf á vegum Hjálparsveitar skáta í Reykjadal.

Unnið var að þeirri markmiðasetningu að bæta skólabraginn og voru endurbætur á vinnuaðstöðu kennara kláraðar vorið 2019. Skilaði það sér í góðri einkunn (4,17) fyrir undirþáttinn *Ánægja með vinnu og skrifstofurými* í könnuninni *Stofnun ársins* það ár og hefur sú einkunn verið yfir 4,50 síðan 2020 (var 4,78 2023). Heildareinkunn fyrir „starfsanda“ hækkaði líka marktækt eftir aðgerðir 2019 (úr 3,80 í 4,29) en lækkaði svo mikið árið 2022 (4,00) og var umtalsvert lægri en hjá öðrum skólaföngum. Á árinu 2023 var markvisst unnið með starfsanda og var einkunnin það ár 4,35. Ánægja í starfi fær sömu einkunn (4,35).

Einnig var haldið áfram með markmiðasetningu skólans að fjölga nemendum og var haldið áfram með markaðsherferð sem sett var af stað í mars 2018. Aðsókn nemenda beint úr 10. bekk meira en tvöfaldaðist á milli áruna 2018 og 2019 og hefur haldist nokkuð stöðug síðan. Aðsóknin er aðeins meiri

en skólinn nær að anna og þess vegna hefur skólinn því miður þurft að hafna nemendum úr 10. bekk um skólavist frá haustinu 2019.

Áfram gengur sú vinna að klára ýmsar stefnur og áætlanir þokkalega. Skólinn viðhélt jafnlaunavottun sinni og var óútskýrður launamunur kynjanna 0,7% konum í vil árið 2023. Skólinn hélt áfram með grænu skrefin og lauk skrefi tvö 19. apríl og þriðja skrefinu 22 nóvember.

Starfsmannahald 2023:

Skólanum er stýrt af skólameistara og honum til aðstoðar er áfangastjóri í 50% starfi sem slíkur sem og fjármálastjóri (60% starf). Aðrir kennarar við skólann eru í 10,1 stöðugildi, verkefnastjóri á Vopnafirði í 100% starfi og námsráðgjafi í 80% starfi á vorönn og 90% starfi á haustönn. Á árinu þurfti samt að auka stöðuhlutföll kennara í hlutastörfum um 0,16 stöðugildi. Kerfisstjóri er í 55% starfi, húsvörður í fullu starfi, ræstitæknar í tveimur stöðugildum og húsbændur í tæpu einu og hálfu stöðugildi. Skólaritari er í 50% starfi, skólasálfræðingur kemur einn dag á tveggja vikna fresti og skólahjúkrunafræðingur einn dagpart í viku. Hjá mötuneyti skólans er bryti (matráður, kokkur) í fullu starfi og starfsfólk í 2,65 stöðugildum. Jafnframt starfar fjármálastjóri hjá mötuneytinu í 40% starfi og þvottastjóri í 100% starfi.

Árið 2023 unnu eftirtaldir við Framhaldsskólann á Laugum:

Skólameistari:

Sigurbjörn Árni Arngrímsson

Áfangastjóri:

Hallur Birkir Reynisson

Brautarstjóri almennrar námsbrautar:

Jóhanna Eydís Þórarinsdóttir

Verkefnastjóri framhaldsskóladeildar á Vopnafirði:

Bjarney Guðrún Jónsdóttir

Náms- og starfsráðgjafi:

Eygló Sófusdóttir

Skólahjúkrunafræðingur:

Dagbjört Bjarnadóttir

Skólasálfræðingur

Elín Eydís Friðriksdóttir

Fjármálastjóri:

Þórunn Sigtryggsdóttir

Kerfisstjóri:

Kristinn Ingi Pétursson

Bryti:

Kristján Guðmundsson

Kennarar skólans:

A. Hnikarr Jónsson

Arnór Benónýsson (í veikindaleyfi til 1. júní, lét af störfum 31. júlí)

Ásta Gísladóttir (í barnsburðarleyfi til 30. apríl)

Birna Björnsdóttir

Connie Maria Cuesta-Schmiedl

Freydís Anna Arngrímsdóttir

Guðný Halldórsdóttir

Gunnhildur Hinriksdóttir (á haustönn)

Járnbrá Björg Jónsdóttir

Jóna Björk Jónsdóttir

Margrét Guðmundsdóttir

Olga Hjaltalín Ingólfssdóttir

Ragna Heiðbjört Þórisdóttir

Sigurlaug L. Svavarsdóttir (á haustönn)

Bókavörður:

Sólborg Matthíasdóttir

Skólaritari

Sigrún Aagot Ottósdóttir (í veikindaleyfi til 23. febrúar, fór þá í barnsburðarleyfi)

Sólborg Matthíasdóttir

Starfsfólk mötneytis:

Dagný Sigríður Sigurjónsdóttir

Elín Hólmfríður Gunnlaugsdóttir

G. Sigrún Hringsdóttir (til 31. maí)

S. Haraldur Bóasson (frá 20. ágúst)

Sigríður Sveinbjörnsdóttir

Þvottahús:

Hjördís Sverrisdóttir

Húsbændur:

Inga Þórey Ingólfssdóttir (frá 27. ágúst)

Ingólfur Víðir Ingólfsson (til 31. maí)

Jón Sverrir Sigtryggson

S. Hlynur H. Snæbjörnsson

Húsvörður:

Kristján Snæbjörnsson

Ræstingar:

Eva Björg Jónsdóttir

Kristjana Kristjánsdóttir

Fjármál og rekstur

Rekstarreikningur

Yfirlit um afkomu ársins 2023

	Skýr	2023	2022
Tekjur			
Tekjufærsla fjárveitinga	2	415.100.000	389.900.000
Aðrar tekjur		1.242.000	1.260.000
Vörusala		1.626.080	1.473.800
Framlög og ýmsar tekjur	3	39.534.086	32.042.666
Tekjufærsla frestaðra tekna fyrir ára	2	6.126.045	5.867.186
Tekjur samtals		463.628.211	430.543.652
Gjöld			
Laun, launatengd gjöld og starfsmannakostnaður	4	259.152.009	243.278.425
Annar rekstrarkostnaður	5	202.817.814	185.365.947
Vaxtagjöld, verðbætur og gengistap		5.025	5.802
Afskriftir og niðurfærslur	6	6.126.045	5.867.186
Gjöld samtals		468.100.893	434.517.360
Afkoma ársins		(4.472.682)	(3.973.708)

Skýringar í ársreikningi eru óaðskiljanlegur hluti yfirlits um afkomu ársins.

Efnahagsreikningur

Efnahagsreikningur 31. desember 2023

	Skýr	31.12.2023	31.12.2022
Eignir			
Handbært fé		10.469.381	5.844.541
Tengdir aðilar	7	33.489.693	26.094.015
Aðrar kröfur og fyrirframgreiddur kostnaður	8	3.549.928	3.712.155
Varanlegir rekstrarfjármunir	9	44.441.187	29.281.485
Óefnislegar eignir	10	17.636	106.752
Eignir samtals		91.967.825	65.038.948
Skuldir			
Tengdir aðilar	7	391.626	108.784
Viðskiptaskuldir		13.382.973	4.097.617
Ýmsar skammtímaskuldir	11	16.481.851	15.222.445
Frestun tekjufærslu fjárfestingarheimilda	12	56.843.379	36.269.424
Skuldir samtals		87.099.829	55.698.270
Eignir samtals að fráðregnum skuldum samtals		4.867.996	9.340.678
Eigið fé	13		
Hrein eign		4.867.996	9.340.678
Eigið fé samtals		4.867.996	9.340.678
Eigið fé og skuldir samtals		91.967.825	65.038.948
Aðrar upplýsingar	14		

Skýringar í ársreikningi eru óaðskiljanlegur hluti efnahagsreiknings.

Skýringar á rekstrar- og efnahagsreikningi 2023

Fjárveitingar á fjárlögum fyrir árið 2023 til Framhaldsskólans á Laugum námu samtals 415,1 m.kr. Þar af voru 26,7 m.kr. flokkaðar sem fjárfestingarheimild þar af 15 m.kr. í sérverkefni á lóð skólans sem ekki var lokið á árinu. Því eru fjárheimildir ársins því 388,4 m.kr. Tekjufærsla frestaðra tekna var 6,1 m.kr. Aðrar tekjur voru 42,4 m.kr. Heildartekjur skólans á árinu voru því 463,6 m.kr. og jukust um 7,7% á milli ára. Þegar upp var staðið voru 12,4 fluttar til ársins 2024 vegna tafa á framkvæmdum á lóð og tafa á endurbótum á Dvergasteini. Búist er við að fjárfestingar og fjárfestingarheimildir skólans verði í góðu jafnvægi í lok árs 2024.

Rekstrargjöld ársins voru samtals 468,1 m.k. og hækkuðu um 7,7%. Laun hækkuðu um 15,9 m.kr. eða 6,5% aðallega vegna kjarasamninga og veikinda. Annar rekstarkostnaður hækkaði hins vegar um 17,4 m.kr. eða 9,4%. Þar munaði mest um að húsaleiga jókst um 12,9 m.kr. og orkugjafar hækkuðu um 1,5 m.kr.

Höfuðstóll eða ónotuð fjárheimild Framhaldsskólans á Laugum nam 4,9 m.kr. í árslok 2023. Staða Framhaldsskólans á Laugum á viðskiptareikningi við ríkissjóð var 24,8 m.kr í lok árs 2023.

Laugum, 17. ágúst 2024

Benedikt Barðason settur skólameistari
Þórunn Sigtryggisdóttir fjármálastjóri